



U akciji SIPA-e 'Čarli' uhapšeno sedam osoba

# U Velikoj Kladuši pronađena roba vrijedna pola miliona KM

Osumnjičeni se terete za poreznu utaju, prevaru i krijumčarenje

Službenici Državne agencije za istrage i zaštitu (SIPA) počeli su jučer akciju kodnog naziva „Čarli“, koja se provodi na području Cazina i Velike Kladuše. Kako nam je nezvanično potvrđeno, do sada je uhapšeno sedam osoba.

Među privedenima su i dva uposlenika Uprave za indirektno oporezivanje (UIO) BiH, kao i vlasnici četiri špediterske firme. Kako saznajemo među uhapšenima je i službenih UIO Amir Harbaš.

Aktivnosti se provode po naredbama Suda i Tužilaštva BiH u saradnji s pripadnicima UIO BiH, MUP-a USK, a obavljani su pretresi objekata na 14 lokacija. Akcija i pretresi, kako nam je rečeno iz SIPA-e, nastavljaju se i danas, kada će biti poznato više informacija.

Osumnjičene osobe terete se za postojanje osnovne sumnje da su počinile krivično djelo organiziranog kriminala u vezi s krivičnim djelom porezne

utaje ili prevare te krijumčarenja. Iz SIPA-e je saopćeno da se radi i o krivičnim djelima organiziranja grupe ljudi ili udruženja za krijumčarenje ili rasturanje neocarinjene robe, zloupotrebe položaja ili ovlaštenja, primanja dara i drugih oblika koristi, davanja dara i drugih oblika koristi i nedozvoljenog skladištenja robe.

Iz Tužilaštva BiH tyrde da su u prikupljeni dokazi

da organizirana grupa počinitelaca duži period vrši nezakonite aktivnosti u vezi suvozom polovnih automobila, rezervnih dijelova i drugih vrsta robe u BiH, prilikom čega se vrše utaje PDV-a i drugih dažbina, za koje je oštećena država BiH.

- U ilegalnom skladištu na autootpadu u Velikoj Kladuši pronađena je roba u vrijednosti od 500.000 KM, koja je trebala biti prodana na crnom tržištu u BiH - saopćeno je iz UIO. *M.Aš.*